



千金方衍義

ヤ 9
176
28



門武
第 176
卷 28



孫真人千金方衍義卷二十一

長洲張璠路玉著



南沙席世臣郢客校

消渴淋閉方

凡四類

消渴第一

論六首
灸法七首

方五十三首

論曰凡積久飲酒未有不消渴然則大寒凝海而酒不凍明其酒性酷熱物無以加脯灸鹽鹹酒客耽嗜不離其口三觴之後制不由已飲噉無度咀嚼鮮醬不擇酸鹹積年長夜酣興不解遂使三焦猛熱五臟乾燥木石猶且焦枯在人何能不渴治之愈否屬

在病者若能如方節慎旬月可瘳不自愛惜死不旋踵方書醫藥實多有效其如不慎者何其所慎有三一飲酒二房室三鹹食及麵能慎此者雖不服藥而自可無他不知此者縱有金丹亦不可救深思慎之又曰消渴之人愈與未愈常須慮有大癰何者消渴之人必於大骨節間發癰疽而卒所以戒之在大癰也當預備癰藥以防之有人病渴利始發於春經一夏服栝萸根豉汁得其力渴漸瘥然小便猶數甚晝夜二十餘行常至三四升極瘥不減二升也轉久便止漸食肥膩日就羸瘦咽哽脣口焦燥吸吸少氣不得多語心煩熱兩脚痠食乃兼倍於常而不為氣力者當知此病皆由虛熱所致治法可常服栝萸汁以除熱牛乳杏酪善於補此法最有益

治消渴除腸胃熱實方

麥門冬

茯苓

黃連

石膏

萎蕤

人參

龍膽

黃芩

升麻

枳實

生薑

枸杞子

栝萸根

各十

外臺用

右十三味為末蜜丸如梧子大以茆根一升粟米

三合煮汁服十九日二若渴則與此飲大麻亦得
又方

栝蔞根

生薑

各五兩

生麥門冬汁

蘆根

切各二升

茆根

切三升

右五味咬咀以水一斗煮取三升分爲三服

衍義

消瘰有上中下之分究其源總由腎氣式微不能
蒸發津氣於上所以燥渴不止內經雖有鬲消肺
消熱中消中消瘰脾瘰肺藏寒熱相移之不同靡
不因陰虛不能制陽所致所以金匱首推腎氣丸
主治消渴小便反多卽內經心移寒於肺肺消飲

一洩二亦是君火失政陰火憑凌肺金總有客熱
貪水下焦真陽失守而洩便反多其次則五苓散
以導熱滋乾并取文蛤之鹹寒以治渴欲飲水不
止三方爲消渴之扼要千金深入長沙之堂得金
匱肯綮雖能取法乎上效用附桂而廣鹿茸羊腎
加減腎瀝湯等治必竟秦地水土剛強所患多實
少虛所以確遵內經熱中消中不可服芳艸石藥
之禁而用清熱滋津信手合轍如此方之用麥門
冬萎蕤以滋上燥黃芩黃連以清實熱石膏栝蔞
以治燥渴人參茯苓以滋津氣升麻以升清陽龍

膽以降濕熱枸杞除熱中消渴枳實泄上下諸氣

生薑通固結之津服用茅根粟米清胃止渴兼能

壓丹石毒全以解熱為務詳本方枸杞用子以滋

腎家耗散之津外臺用根以清三焦鬱蒸之火活

法在人須固執又方用麥門冬三根俱清熱

滋燥之品兼取生薑通行津液而渴自止矣

茯神湯 洩熱止渴治胃腑實熱引飲常渴方

茯神 二兩外臺 知母 四兩 萎蕤 四兩

栝蒌根 生麥冬 各五兩 生地黄 六兩

小麥 二升 淡竹葉 三升 大棗 二十枚

右九味咬咀以水三斗煮小麥竹葉取九升去滓

下藥煮取四升分四服不論早晚若渴即進非但

止治胃渴通治渴患熱者

衍義

方中皆滋培氣血清火安神之味專取小麥大棗

調肝氣運脾津以治肺胃之標熱

猪肚丸 治消渴方 猪肚 一具治 黃連 梁米 各五兩

栝蒌根 茯神 各四兩 知母 三兩

麥門冬 二兩

右六味為末內猪肚中縫塞安甑中蒸極爛乘熱

入藥白中搗可丸如硬加蜜和丸如梧子大飲服
二十九日三

又方

黃芪

茯神

栝蔞根

甘艸

麥冬

各三兩

乾地黃

五兩

右六味咬咀以水八升煮取二升半去滓分三服
日進一劑服十劑佳

浮萍丸 治消渴方

乾浮萍

栝蔞根

等分

右二味爲末以人乳和丸如梧子空腹飲服二十

九日三三年病者三日愈治虛熱大佳

衍義

本經言浮萍下水氣止消渴以其能開發腠理通
行經脈也前方以衛氣不固津隨汗泄而渴故用
黃芪此方以肺氣固結津不行而渴故用水萍兼
取栝蔞根協濟以建清熱止渴之功

治消渴日飲水一石者方

鉛丹 二兩

附子 一兩

葛根

栝蔞根

各三兩

右四味爲末蜜丸如梧子飲服十九日三渴則服
之春夏減附子

義衍鉛丹鎮攝濁陰附子開通陰結葛根宣導脾津栝
萸根清解熱渴標本兼該之治此方得之

黃連丸 治渴方

黃連 生地黄 各一斤張文仲云十斤

右二味絞地黄汁漬黃連出曝燥復內汁中令汁
盡曝燥乾為末蜜丸如梧子服二十九日三食前
後無拘亦可為散以酒服方寸七

義衍黃連清燥膈上之熱生地滋培下焦之陰畢竟苦
寒傷中中病即止不必盡劑

栝萸粉 治大渴祕方

深掘一大栝萸根厚削去皮至白處止寸切水
浸一日一夜易水經五日取出爛搗碎研之以
袋濾如出粉法乾之水服方寸七日三四亦可
作粥乳酪中食之不限多少取瘥止

又方

栝萸粉和雞子曝乾更搗為末水服方寸七日
三丸服亦可

又方

水和栝萸根為末水和服方寸七亦可蜜丸如
梧子大服三十丸

又方

濃煮竹根汁飲之瘥止

又方

漬豉汁任性多少飲之

又方

以青梁米煮取汁飲之以瘥止

衍義

栝萋根本經首言治消渴身熱煩滿瀉粉煮粥作

散為丸無不宜之 竹根清心解煩 香豉汁除

煩解毒 青梁米解渴生津與粟米不殊或云即

青菰米功專止渴解煩總皆清胃之品

論曰夫內消之為病當由熱中所致小便多於所飲
令人虛極短氣夫內消者食物皆消作小便又不渴
正觀十年梓州刺史李文博先服白石英既久忽房
道強盛經月餘漸患渴經數日小便大利日夜百行
百方治之漸以增劇四體羸瘦不能起止精神恍惚
口舌焦乾而卒此病雖稀甚可畏也利時六脈沉細
微弱服栝杞湯即效但不能長愈服鉛丹散亦即減
其間將服除熱宣補丸

栝杞湯 治渴而利者方

栝杞枝葉 一斤 黃連

栝萋根

掃葉山房

甘艸

石膏

各三兩

右五味咬咀以水一斗煮取三升分五服日三夜二劑者多合渴即飲之

鉛丹散 治消渴止小便數兼消中方

鉛丹

胡粉

甘艸

澤瀉

石膏

栝蔞根

赤石脂

白石脂

肘後作貝母

右八味各五分治下篩水服方寸七日三壯人服七半一年病者一日愈二年病者二日愈渴甚者夜二服腹痛者減之丸服亦佳每服十九傷多令

人腹痛

張文仲云腹中痛者以漿水下之備急方云不宜酒下宜麥汁下之古今錄驗云服

此藥了經三兩日宜爛煮羊用肚空腹服之或作羹亦得宜常淡食之候令小便數鹹苦即宜菹蓉丸兼煮散將息方見

外臺第十一卷中

衍義

杞根專瀉三焦氣分之火火在上者枝葉尤宜黃

連瀉心下實熱栝蔞治肺胃燥渴甘艸解毒安中

石膏清胃止渴兼解石藥之悍 鉛丹胡粉赤白

石脂鎮攝痰涎分走血氣石膏解石藥毒甘艸解

草藥毒栝蔞專主消渴澤瀉兼治水逆二方總解

熱毒一解上熱一化下毒然病真則藥假神丹不

能起髑髏也

茯神丸方 集驗名除熱宣補丸 治腎消渴小便數者

茯神 黃芪 人參

麥冬 甘艸 黃連

知母 栝蔞根 各三兩 兔絲子 三合

菴蓉 乾地黄 石膏 各六兩

右十二味為末牛膽汁三合和蜜為丸如梧子大以茅根煎湯服三十九日二服漸加至五十九丸
酸棗丸 治口乾燥內消方

酸棗 一升五合 酸安石榴子 五合 覆盆子

葛根 各三兩 栝蔞根 茯苓 各三兩半

麥冬 四兩 石蜜 四兩半 桂心 一兩六銖

烏梅 十枚

右十味為末蜜丸口含化不限晝夜以口中有津液為度服盡復取含無忌

衍義 茯神丸中安神益氣清熱解渴瀉陰火泄腎邪滋

肺胃清心脾乃真陰虧損三焦煽虐宣中寓補之劑故集驗因以命方云治腎消者主下焦熱能消水殊非腎臟本虛之謂 酸棗丸中專以酸收為主惟取桂通陽氣葛行津液石蜜溫脾茯苓安胃麥門冬滋肺栝蔞根止渴覆盆子助陽亦能收斂

精血也

治消中日夜尿七八升者方

用鹿角炙令焦為末以酒服五分七日三漸加至方寸匕

又方

葵根如五升盆大兩束以水五斗煮取三斗宿不食平旦一服三升

又方

漚蔴汁服一升佳

補義

鹿角補腎強陰 葵根寒滑利竅 漚蔴水散血

通津 三方一斂陽精一利津竅一清胃熱各有

所宜

論曰強中之病莖長興盛不交津液自出也消渴之後即作癰疽皆由石熱凡如此等宜服猪腎薺苳湯制腎中石熱也又宜服白鴨通湯方見後二十六卷解毒毒篇中

猪腎薺苳湯方

猪腎 一具

大豆 一升

薺苳

人參

石膏

各三兩

茯神

一作茯苓

磁石

綿裹

知母

葛根

栝蒌根

黃芩

甘艸

各二兩

右十二味咬咀以水一斗五升先煮猪腎大豆取一斗去滓下藥煮取三升分三服渴即飲之下焦熱者夜輒合一劑病勢漸歇即止

衍義石藥之悍雖流布中外其毒必伏匿少陰經中所以借水獸之腎引領薺芫專主強中之味與磁石知母黑大豆同入腎經佐以石膏黃芩葛根甘艸栝蓐根輔佐薺芫分解內外之毒製劑雖專不得人參陽藥助胃以行其力則毒匿幽深何由發越孰謂人參壅補熱邪而致扼腕耶

增損腎瀝湯 治腎氣不足消渴小便多腰痛方

羊腎一具

遠志

人參

澤瀉

桂心

當歸

茯苓

龍骨

乾地黄

黃芩

甘艸

芎藭各二兩

麥門冬一升

五味子半升

生薑六兩

大棗二十枚

右十六味以水一斗五升先煮羊腎取一斗二升次下諸藥取三升分三服

衍義增損腎瀝湯有三一見脚氣一見腎臟皆主邪痺胞中阻滯氣化小便滴瀝不通此治消渴小便多

亦用之者總取通調氣化使之無過不及之患較
腎臟門方則少石斛桑皮栝萋根較脚氣門中則
少磁石石脂防風黃芪半夏芍藥栝萋根而加黃
芩澤瀉此證小便雖多必頻數澀滯故取二味為
清熱利水嚮導專類羊腎引入腎臟與前方用猪
腎之意不殊

治下焦虛熱上注脾胃從脾胃上注於肺好渴利
方

竹葉切三升

甘艸三兩

栝萋根

生薑各五兩

麥門冬

茯苓各四兩

大棗三十枚

小麥

地骨皮各一升

右九味咬咀先以水三斗煮小麥取一斗去滓澄

清取八升去上沫取七升煮藥取三升為三服

衍義

下利而渴燥熱無疑故用地骨皮治下焦熱甘艸

小麥治中焦熱竹葉栝萋根治上焦熱茯苓門冬

交通上下生薑大棗運行脾津為道熱之宣使

治渴利虛引飲不止消熱止渴方

竹葉切二升

地骨皮切一升

生地黄切一升

生麥冬一升半

栝萋根

石膏各八分

茯苓一作茯苓

萎蕤

知母

生薑各四分

大棗三十枚

右十一味咬咀以水一斗二升煮取四升分四服

衍義

此以地黃地骨治下焦熱石膏知母治中焦熱竹葉栝蓐根治上焦熱茯苓麥冬萎蕤交通上下生薑大棗運行脾津為道熱之宣使前以中氣不充故用甘艸小麥此以隔上蘊熱故用石膏知母不得不少為變通

地黃丸 治面黃手足黃咽中乾燥短氣脈如連

珠除熱止渴利補養方

生地黃汁

生栝蓐汁

各二升

生羊脂三升

白蜜

四升

黃連

一升為末

右五味合煎令可丸如梧子大飲服五九日二加

至二十九若苦冷而渴渴瘥即宜別服溫藥

衍義

脈如連珠心脾結熱可知故用黃連專瀉二經之積熱地黃滋血栝蓐根滋津牛羊脂蜂蜜滋腸胃之枯燥也

治渴小便數方

貝母

六分一作知母

茯苓

栝蓐根

各四分

鉛丹

一分

雞臆腔中黃皮

十四枚

右五味治下篩飲服方寸七日三瘥後常服佳長

服不絕則去鉛丹以蜜丸之用麥飲下

^衍此以陰火鼓激濁陰壅塞清陽而致燥渴故用鉛丹鎮攝於下貝母開發於上栝蕒根清利於中茯苓通調氣化引領雞脰脰消積利竅使熱隨溲利而渴自治矣

治渴利方

用生栝蕒根三十斤切以水一石煮取一斗半去滓以羊脂五合煎取水盡以溫酒先食服如雞子大日三服或飲酒于大樽五升日二服治渴小便利復非淋者方

不用榆白皮二斤切以水一斗煮取五升每服三

合日三

又方入土苴或杏仁各半或杏仁之類不自治渴小便利者方
又方小豆蘘一把搗汁頓服三升

又方

取薔薇根水煎服之佳

肘後以治睡中遺尿

又方

三年重鵲巢燒末以飲服之

肘後以治睡中遺尿

又方

桃膠如彈丸大含之咽津

又方

蠟如雞子大以酢一升煮二沸適寒溫頓服之

衍義

栝蒌根專主熱中消渴煎用牛膝以助血氣服用

溫酒以行藥力 榆根白皮滑利小便 小豆霍

治膏梁積熱 薔薇根主消渴多尿 鵲重巢散

膀胱風氣 桃膠和血通津 蠟味至淡清胃解

毒得醋以斂逆上之氣

論曰凡人生放恣者衆盛壯之時不自慎惜快情縱
慾極意房中漸至年長腎氣虛竭百病滋生又年少
懼不能房多服石散真氣既盡石氣孤立惟有虛耗

脣口乾焦精液自泄或小便赤黃大便乾實或渴而
且利日夜一石或渴而不利或不渴而利所食之物
悉化小便皆由房室不節所致也名爲消渴但小便
利而不飲水者腎實也經云腎實則消消者不渴而
利是也所以服石之人小便利者石性歸腎腎得石
則實實則能消水漿故利利多則不能潤養五臟臟
衰則生諸病張仲景云熱結下焦則爲渴血亦令人
淋閉不通內有熱者則喜渴除熱則止渴兼虛者須
除熱補虛則瘥矣

治不渴而小便大利遂至於死者方

用牡蠣五兩以患人尿三升煮取二升分再服
神驗

衍義

論中有云服石藥人小便利者石性歸腎腎得石則實故專用牡蠣之鹹寒走腎不特散結兼能瀉精以療小便之無度服用患人尿者取為導引病氣之去路而石藥之毒亦得下降矣

治小便不禁日便一二斗或如血色方

麥冬

乾地黄 各八兩

乾薑 四兩

續斷

沙蒺藜子

桂心 各三兩

甘艸 一兩

右七味咬咀以水一斗煮取二升五合分三服 古

錄驗亦治腎消脚瘦細小便數

衍義

小便不禁非屬腎臟無陽即係膀胱積血昔人有云麥門冬以地黄為使服之令頭不白取其添精滋血通腎氣也今與蒺藜續斷同用本經蒺藜條下首言治惡血則小便之過利不禁或如血色為積血無疑以血為陰類故使小便反多乾薑桂心之陽藥既溫下焦虛寒并散膀胱虛熱一舉而兩得之甘艸調和寒熱性味先哲治腎虛風襲肝傷血結並用白蒺藜若固腎臟精氣則沙苑者為勝

所以混舉不分隨機應用可也
九房散 治小便多或不禁方

兔絲子

蒲黃

黃連

各三兩

肉蓯蓉

二兩

硝石

一兩

右五味治下篩并雞胫脰中黃皮三兩為散飲服

方寸匕如人行十里久更服日三

翼方有五味子三兩空腹服

衍義

方中兔絲續絕傷補精氣蒲黃消瘀血止莖痛黃連瀉心火除積熱蓯蓉助少火滋陰精硝石通固結解石毒雞胫脰消積氣安腸胃能使便溺有常妙用全在乎此

又方

鹿茸 三寸

桂心 一尺

附子

大者三枚

澤瀉 三兩

躑躅

韭子

各一兩

右六味治下篩以漿水服五分七日三加至一錢

七

衍義

鹿茸桂附皆大溫峻補之藥得韭子之濁味專助相火羊躑躅專搜經隧骨空中毒風澤瀉佐之使風毒濁濕悉從水道開泄二味專為藥毒而設

黃芪湯 治消中虛勞少氣小便數方

黃芪

桂心

芍藥

當歸

甘艸

生薑

各二兩

黃芩

乾地黄

麥冬

各一兩

大棗

三十枚

右十味咬咀以水一斗煮取三升分三服日三

衍義

虛勞少氣是宿病故用黃芪甘艸歸芍地黄以養

氣血消中小便數是新病故用黃芩麥冬桂心薑

棗以通津液

棘刺丸 治男子百病小便過多失精方

棘刺

石龍芮

巴戟天

各一兩

厚朴

麥門冬

兔絲子

萆薢

外臺作草鞋

柏子仁

萎蕤

小艸

乾地黄

細辛

杜仲

牛膝

菴蓉

石斛

桂心

防葵

各一兩

烏頭

半兩

右十九味為末蜜和更搗五六千杵丸如梧子大飲下十九日三加至三十九以知為度

衍義

男子百病不獨指腎虛小便多而言本經棘刺主

治與皂刺不甚相遠別錄治丈夫虛損陰痿精自

出統領巴戟菴蓉兔絲牛膝門冬地黄杜仲小艸

草薺補腎益精功司開合足以充其所用至於烏頭防葵石龍芮厚朴等味非有固結滯氣奚以及此再詳萎蕤柏仁石斛細辛桂心通風利竅之治則烏頭防葵石龍芮厚朴等藥可以默悟其微總在攻補百病之列也

治尿數而多者方

用羊肝一具作羹內少羊肉和鹽豉如食法任性食三具

^{衍義}腎司閉藏肝司疎泄今以肝氣失職不能司統攝之權故用羊肝以補肝臟之虛和鹽豉者借以引

入腎家也

治消渴胃反而吐食者方

茯苓 八兩

澤瀉 四兩

白朮

桂心

生薑 各三兩

甘艸 一兩

右六味咬咀以水一斗煮小麥三升取汁三升去

滓下藥煮取二升半每服八合日二

^{衍義}

五苓散治水逆而渴此兼胃反嘔逆故去猪苓而易甘艸以和胃氣生薑以止嘔逆先煮小麥汁煎服者助肝氣之生發也

又方

取屋上瓦三十年者碎如雀腦三升東流水二石煮二斗內藥如左方

白朮 乾地黃 生薑

人參 橘皮 甘艸

黃芪 遠志 桂心

當歸 芍藥 大棗 各二兩 三十枚

右十二味咬咀內瓦汁中煮取三升分四服 或單飲瓦

汁亦佳

衍義

於黃芪建中方內加參朮以助脾胃之氣歸地以資肝腎之血橘皮遠志清中利竅并取陳年瓦礫

受日月之光華雨露之濡澤而流行有節用以煮

汁煎藥助諸藥清熱利水之功也

治熱病後虛熱渴四肢煩疼方

葛根 一斤 人參 甘艸 各一兩

竹葉 一把

右四味咬咀以水一斗五升煮取五升渴即飲之

日三夜二

衍義

人參甘艸資助通調之力葛根流行阻遏之津竹葉清解隔上之火則病後虛熱悉從水道疎泄而

虛熱口渴四肢反疼不治而治矣

骨填煎 治虛勞渴無不效方

茯苓 兔絲子 當歸

山茱萸 牛膝 五味子

附子 巴戟天 石膏

麥冬 各三兩 石葦 人參

菴蓉 外臺作遠志 桂心 各四兩 大豆卷 一升

天冬 五兩

右十六味為末次取生地黃栝萸根各十斤搗絞取汁於微火上煎減半便作數分內藥并下白蜜三斤牛髓一斤微火煎令如糜食如雞子黃大日

三亦可飲服之

義方中益氣資精清熱利水諸品專藉牛髓補中填

骨髓之功故云骨填煎云又正人參甘藷同共

茯苓散 治虛熱四肢羸乏渴熱不止消渴補虛

方 茯苓 菴蓉 菱蕤 各四兩

生石斛 黃連 各八兩 栝萸根

丹參 各五兩 甘艸 五味子

知母 當歸 人參 各三兩

麥蘖 三升外臺作小麥

右十三味爲末以絹袋盛三方寸七水三升煮取一升日二服一作一服

衍義

三焦之治與腎臟之治截然兩途腎臟陰虛而用壯水之劑不得雜以補氣之味恐其畱戀陰藥於上泥膈奪食轉增瀰漫非若益火消陰宜兼補氣以資陽生陰長之功也三焦本屬相火所以用菴蓉五味知母滋培下焦黃連麥蘗石斛清理中焦茯神萎蕤枯藁滋養上焦又須人參甘艸匡扶胃氣當歸丹參調和營血則三焦之火得以涵養而無歛起之患矣

枸杞湯 治虛勞口中苦渴骨節煩熱或寒者方

枸杞根白皮切 麥門冬三升 小麥二升

右三味以水二斗煮麥熟藥成去滓每服一升日再

衍義

枸杞清熱門冬滋津專賴小麥鼓舞生陽之氣巴郡太守奏三黃丸血治男子五勞七傷消渴不

更生肌肉婦人帶下手足寒熱者方

春三月黃芩四兩 大黃三兩 黃連四兩

夏三月黃芩六兩 大黃一兩 黃連七兩

秋三月黃芩六兩 大黃二兩 黃連三兩

冬三月黃芩三兩 大黃五兩

黃連二兩

右三味隨時加減和搗以蜜為丸如大豆飲服五
丸日三不知稍加至七丸取下而已一月病愈久
服走逐奔馬常試有驗一本云夏三月不服

衍義

巴蜀風土剛厚民多血氣剛強雖有勞傷消渴肌
肉不生多屬水虧火旺故巴郡所奏之方專取伊
尹三黃隨四序而為加減在春陽氣方強之時雖
當寒折祇宜平調以分解之夏月陰氣在內總有
濕熱僅堪以苦燥之入秋燥令司權熱邪傷表居
多故取輕劑以外泄之嚴冬陽氣潛藏熱邪內伏

專事苦寒以內奪之藥雖峻劑日服無幾可無傷
中之慮婦人濕熱帶下亦不出此久服走逐奔馬
者濕熱去而筋經躡捷也然須諒人元氣而施若
津枯血燥慎勿誤投以取虛乏之咎

治熱渴頭痛壯熱及婦人血氣上衝悶不堪者方

茅根三升切 三搗取汁令盡渴即飲之

衍義

熱渴頭痛壯熱胃熱上蒸無疑故專取茅根一味
清熱利水為務

治嶺南山瘴風熱毒氣入腎中變寒熱脚弱虛滿
而渴方

黃連

不限多少

生栝藎根

搗汁

生地黄

汁

羊乳

汁

右四味以三汁和黃連末為丸空腹飲服三十九如梧子大漸加至四十九日三重病五日瘥輕者三日瘥無羊乳牛乳人乳亦得若藥苦難服即煮小麥粥飲服之主虛熱張文仲云名黃連丸一名羊乳丸嵐瘴濕熱乘虛襲人故用黃連清燥為主兼栝藎根滋津生地黄滋血羊乳兼滋津血以和黃連之燥

阿膠湯

治虛熱小便利而多服石散人虛熱當

風取冷患脚氣喜發動兼消渴腎脈細弱方

阿膠

二挺

麻子

一升

附子

一枚

乾薑

二兩

遠志

四兩

右五味為末以水七升煮取二升半去滓內膠令烱分三服說云小便利多白日夜數十行至一石頻服五日良

衍義

小便清利而渴兩尺脈細而弱真陽失職於下石

散毒發於上故用薑附以救下虛遠志以利腎竅

阿膠以滋陰血麻仁以潤脾津并解石散之毒也

灸法

論曰凡消渴病經百日以上者不得灸刺灸刺則於瘡上漏膿水不歇遂至癰疽羸瘦而死亦忌有所誤傷但作鍼許大瘡所飲之水皆於瘡中變成膿水而出若水出不止者必死慎之慎之初得患者可如方灸刺之

治消渴咽喉乾灸胃脘下膈三穴各百壯穴在背第八椎下橫三寸

一云灸胸堂五十壯又灸足太陽五十壯

治消渴口乾不可忍者灸小腸膈百壯橫三寸間灸之

消渴口乾煩悶灸足厥陰百壯又灸陽池五十壯

消渴欬逆灸手厥陰隨年壯

消渴小便數灸兩手小指頭及兩足小趾頭并灸項

椎又灸當脊梁中央解間一處與腰目上兩處凡

三處又灸背上脾膈下四寸當夾脊梁兩處凡諸

灸皆當隨年壯又灸腎膈二處又灸腰目在腎

膈下三寸亦俠脊骨兩傍各一寸半左右以指按

取關元一處又兩傍各二寸二處又陰市二處在

膝上當伏兔上行三寸臨膝取之或三二列灸相去

一寸名曰腎系者

黃帝經云伏兔下一寸

曲泉陰谷陰陵泉復

留此諸穴斷小便最佳不損陽氣又云止遺溺也太

谿中封然谷太白大都跌陽行間大敦隱白涌泉凡此諸穴各一百壯腹背兩脚凡四十七處其腎脬腰目關元水道此可灸三十壯五日一報各得一百五十壯佳涌泉一處可灸十壯大敦隱白行間三處可灸三壯餘者悉七壯皆五日一報滿三灸可止也若發灸諸陰諸陽在脚表并灸肺脬募按流注孔穴壯數如灸陰家法

小便數而少且難用力輒失精者令其人舒兩手合掌併兩大指令齊急逼之令兩爪甲相近以一炷灸兩爪甲本肉際方後自然有角令炷當角中小侵入

爪上此兩指共用一炷也亦灸脚大趾與手同法各三炷而已經三日又灸之

淋閉第二

論一首

方四十九首
灸法十五首

論曰熱結中焦則為堅下焦則為溺血令人淋閉不通此多是虛損人服大散下焦客熱所為亦有自然下焦熱者但自少可善候之凡氣淋之為病溺難澀常有餘瀝石淋之為病莖中痛溺不得卒出膏淋之為病尿似膏自出勞淋之為病勞倦即發痛引氣衝下熱淋之為病熱即發甚則尿血治之皆與氣淋同凡人候鼻頭色黃者小便難也

地膚子湯 治下焦濕熱小便赤黃不利數起出少莖痛或血出溫病後餘熱及霍亂後當風取熱過度飲酒房勞及行步冒熱冷飲逐熱熱結下焦及散石熱動關格小腹堅胞脹如斗有此諸淋悉治之立驗方

地膚子

知母

黃芩

猪苓

瞿麥

枳實

一作松實

升麻

通艸

葵子

海藻

各一兩

右十味為末以水一斗煮取三升分三服大小便

皆閉者加大黃三兩女人房勞腎中有熱小便難

不利小腹滿痛脈沉細者加猪腎一具

崔氏云若加腎可用

水一斗五升先煮腎取一斗汁內藥煎之小品方不用枳實

衍義

地膚子本經主膀胱熱利小便千金治熱淋以之

為君佐以知母黃芩猪苓瞿麥通艸葵子海藻等

味種種皆清熱利竅之品惟枳實升麻一破痰積

一分清濁清濁分而氣無阻滯痰積破而津液宣

通烏有熱結淋閉之患乎方後大小便皆閉用大

黃可誤枳實為大黃前導之義腎中有熱加猪腎

者用為腎臟逐熱之內應也

一治百種淋寒淋熱淋勞淋小便澀泡中滿腹急痛
方

通艸

石葦

甘艸

王不留行

各二兩

冬葵子

滑石

瞿麥

白朮

芍藥

各三兩

右九味咬咀以水一斗煮取三升分三服

古今錄驗有當

歸二兩治下篩以麥粥清服方寸七日三

又方

滑石

石葦

栝蒌根

各二兩

右三味治下篩大麥飲服方寸七日三

術義

方中諸味皆清熱利竅之品獨白朮芍藥一主實

脾利水一主和血通津人但知芍藥酸收之用不

知本經原有利小便益氣之功所以建中湯四逆

散真武湯用之但知白朮為壅補之味不知本經

原有除熱消食之治所以枳朮湯理中丸五苓散

用之然用以清熱利水皆不經火炒火炒則滯而

不通矣 又方三味寒滑通津專司疎泄之品故

取大麥以和胃氣化積泄也

治諸種淋方

葵子

八兩

茅根

石首魚頭石

各三

掃葉山房

兩

貝子 五合

甘艸 一兩
天麻根 五兩

通艸 二兩

右七味為末以水一斗二升煮取五升分五服日
三夜二亦主石淋

又方

榆皮

車前子

冬瓜子 各一升

鯉魚齒

桃膠

通艸

地脈 各二兩

瞿麥 四兩

右八味咬咀以水一斗煮取三升分三服日三
又方

細白沙三升熬令極熱以酒三升淋取汁服一

合

義衍

方中葵根茅根滑澤通津通艸甘艸利竅瀉火石
首貝子爽堅利水天麻根辛溫陽藥性專祛風先
哲有口乾便秘者不可誤投之禁當是天名精之
誤天名精甘寒化熱本經有瘀血血痕下血欲死
下血止血利小便之治其治血痕利小便正與石
首貝子爽堅利水治石淋之用相符不敢擅為改
易聊陳管見以俟明哲裁度 鯉魚齒專治石淋
冬瓜子利水解毒桃膠和血通津地脈通行血脈

瞿麥車前通艸榆皮通熱利水藥也 白沙用酒
熱淋以行清熱利水之力

治淋痛方

滑石 四兩

貝子 七枚 燒研

茯苓

白朮

通艸

芍藥 各二兩

右六味為末酒服方寸七日二服十日瘥

又方

葵子 五合

茯苓

白朮

當歸 各二兩

右四味咬咀以水七升煮取二升分三服日三

又方

取猪脂酒服三合日三小兒服一合臘月者

治小便不利莖中疼痛小腹急痛者方

通艸

茯苓 各三兩

葶藶 二兩

右三味治下篩以水服方寸七日三

又方

蒲黃

滑石 各等分

右二味治下篩酒服方寸七日三

治小便不利膀胱脹水氣流腫方

水上浮萍曝乾為末服方寸七日三

一治小便不通方

滑石三兩

葵子二兩

榆根白皮一兩

右三味治下篩煮麻子汁一升半取一升以散二方寸匕和分三服即通

又方

水四升洗甑帶取汁煮冬葵子取二升半分三服

又方

胡燕屎

豉各一合

右二味搗丸如梧子大服三九日三

又方

髮去垢燒末葵子一升以飲服方寸七日三

又方

石首魚頭石為末水服方寸七日三

又方

鯉魚齒燒灰酒服方寸七日三

又方

石槽塞灰土以井花水服之日三

又方

車前子一味為末服方寸七日三服百日止

治卒不得小便方

吞雞子白取瘥葛氏云吞黃

又方

車前子一把 桑白皮兩半

右二味咬咀以水三升煎取一升頓服之

治婦人卒不得小便方

郁李仁二十枚熬末服之立下一本作杏仁二十七枚

又方

紫苑為末以井花水服三指撮立通血出者四

五度服之

衍義

滑石茯苓通艸甘淡利竅泄熱貝子白朮芍藥

堅除熱益氣說見前治百種淋諸種淋兩方中茲

不復贅葵子茯苓滑澤利竅白朮當歸健脾和

血酒服猪脂滋血通津通艸茯苓葶藶上泄

肺氣蒲黃滑石下散瘀血浮萍外開鬼門

滑石葵子榆皮滑澤利竅甌帶汁煮葵子氣通

於上津通於下燕泥豆豉解熱化毒髮灰葵

子散血利水石首腦奕堅利水鯉魚齒專主

石淋石槽塞灰通塞利竅車前子利水而不

傷津雞子清化熱而滋津液車前子清利於

下桑白皮開泄於上 郁李仁治大腹水腫面目
四肢浮利小便水道 紫苑疎肺散結氣利水通
滯血

治黃痺後小便淋瀝方

猪腎

一具切

茯苓

一斤

瞿麥

六兩

車前根

切二斗

黃芩

三兩

椒目

三合綿裹

澤瀉

地膚子

各四兩

右八味咬咀以水二斗煮車前取一斗六升去滓
下猪腎煮取一斗二升去腎下藥煮取三升分爲
三服

衍義

黃痺後小便淋瀝濕熱下趨水道必其人腎氣逆

上而喘故用椒目兼猪腎引入腎臟與前地膚子
湯功用彷彿總取去濕熱之治也

治氣淋方

水三升煮船底苔如鴨子大取二升頓服

又方

水三升煮鼓一升一沸去滓內鹽一合頓服亦
可單煮鼓汁服之

又方

搗葵子末湯服方寸匕

又方

空腹單茹蜀葵一滿口

又方

熬鹽熱熨小腹冷復易亦治小便血

肘後方治小便不通

衍義

苔性本寒取船底者善於行水

鹽豉利水解毒

葵子葵根滑澤利竅

鹽熨鹽灸稟堅下氣

灸法

臍中著鹽灸二壯

葛氏治小便不通

又法

灸關元五十壯

又灸俠玉泉相去一寸半三

十壯

石淋方

車前子一升以絹袋盛水九升煮取二升隔宿

不得食平旦空腹頓服之石即出

備急方云治熱淋

又方

取浮石使滿一手許為末水三升醋一升煮取

二升澄清服一升不過三服石出

淳酒煮之亦治嗽

又方

桃膠棗許大夏以冷水三合冬以湯三合和服

日三當下石子如石卵以石盡止

亦治小兒痛淋

衍義本經車前治氣癰止痛石淋亦能療之 浮石化
老痰散結塊為石淋之專藥 桃膠散結血通津
液不獨治石淋也

灸法

石淋臍下三十六種病不得小便灸關元三十壯
又灸氣門三十壯 又灸水泉三十壯 足大敦是也

治膏淋方

搗葎草汁二升酢二合和空腹頓服之當尿如

小豆汁也

又濃煮汁飲亦治淋瀝 蘇澄用療尿血

衍義葎草一名勒艸專主五淋利小便以其蔓生多刺

一恐透表故取酢之酸以收之

治五勞七傷八風十二痺勞結為血淋熱結為肉

淋小便不通及莖中及小腹痛不可忍者方

滑石

桂心

冬瓜子

王不留行

通艸

車前子

各二分

甘遂

一分

石葦

四分

右八味治下篩以麻子飲半升和服方寸七日三
尿沙石出 一方加榆白皮三分

衍義勞傷血淋而用甘遂之苦寒恐傷胃氣卽以桂心
之辛溫助諸藥之利水

灸法

勞淋灸足太陰百壯穴在內踝上三寸三報之

治熱淋方

葵根

切一升冬用
于夏用苗

大棗

二十
七枚

右二味以水三升煮取一升二合分二服 熱者

加黃芩一兩 出難加滑石二兩 血者加茜根

三兩 痛者加芍藥二兩

又方

白茅根切四斤以水一斗五升煮取五升服一

升日三夜二

又方

常煮冬葵根作飲服之

衍

葵根利竅大棗行津乃散中寓補之上藥可無熱

去寒起之患 白茅根瀉熱取其通津 冬葵根

利水取其走竅其花隨朝暮而向日性之流利可

知

治血淋小便礮痛方

雞蘇

二兩

通艸

滑石

各五
兩

竹葉

一把

生地黃

半
斤

小蘗根

一
兩

右六味咬咀以水九升煎取三升去滓温分三服

石葦散 治血淋方

石葦

當歸

蒲黃

芍藥等分

右四味治下篩酒服方寸七日三

又方

生大麻根十枚以水五升煮取二升頓服亦治小便

出血

又方

大豆葉一把以水四升煮取二升頓服

又方

葵子一升以水三升煮汁取一升日三服亦治虛勞

血尿

衍義

血淋雖用地黃薊根不得雞蘇通艸竹葉滑石不能導血前通 石葦治癃閉不通為歸芍蒲黃導

血之宣使 麻根散血 豆葉祛暑 葵子利竅

皆血淋之小方隨宜取用可也

灸法

血淋灸丹田隨年壯 又灸伏留五十壯一云隨年壯

五淋不得小便灸懸泉十四壯穴在內踝前一寸斜

行小脈上是中封之別名

五淋灸大敦三十壯

卒淋灸外踝尖七壯

淋病九部諸疾灸足太陽五十壯

淋病不得小便陰上痛灸足太衝五十壯

腹中滿小便數起灸玉泉下一寸名尿胞一名屈骨

端灸二七壯小兒以意減之

治遺尿小便澀方

牡蠣

鹿茸

各四兩

桑耳

三兩錄驗無

阿膠 二兩

右四味咬咀以水七升煮取二升分二服日二

又方

防己

葵子

防風

各二兩

右三味咬咀以水五升煮取二升半分三服作散

服亦佳

治小便失禁方

以水三升煮雞腸取一升分三服

又方

取雞胫脰一具并腸燒末酒服男雌女雄

治尿淋方

取羊肚系盛水合滿線縛兩頭熟煮即開取中

水頓服立瘥

又方

取羊胞盛水滿中炭火燒之盡熟空腹服不過四五度瘥

衍義

牡蠣鹿茸阿膠桑耳治稟賦虛寒之遺溺 防已

防風向日葵子治風襲胞中之失溲 雞腸腔脰

能助肝經開合之權 羊肚羊胞善補膀胱氣化

之力取血氣以助血氣耳

灸法

遺尿失禁出不自知灸陰陵泉隨年壯

遺溺灸遺道俠玉泉五寸 又灸陽陵泉 又灸足

陽明各隨年壯

小便失禁灸大敦七壯 又灸行間七壯

尿淋 垂兩手兩髀上盡指頭上有陷處灸七壯

又灸臍下橫文七壯

溺血第三 方十三首

治房勞傷中尿血方

牡蠣

桂心

黃芩

車前子 各等分

右四味治下篩飲服方寸匕稍加至二七日三服

衍義方中寒熱通澀互用脫能使之斂蓄能使之通標本兼濟之妙用萃於四味之中

治小便血方

生地黄八兩

柏葉一把

黃芩

阿膠各二兩

右四味咬咀以水八升煮取三升去滓下膠分三服 一方加甘艸二兩

衍義此方專為陰火亢盛者設若素稟虛羸者慎用

又方

兔絲子

蒲黃

白芷

荆實

乾地黄

酸棗小品作

芎藭

葵子

當歸

茯苓等分

右十味為末蜜丸如梧子大飲服五丸日三服稍加至十九

衍義和血涼血散血而兼制水收津祛逐虛風六法聚

於一方而不病其繁冗

又方

戎鹽六分

甘艸

蒲黃

鹿角膠

芍藥各二兩

礬石三兩

大棗十枚

右七味咬咀以水九升煮取二升分三服

衍義 溺血既久不得不以收斂津氣為務然始病火盛者不但鹿膠難用礬石尤非所宜

又方

胡麻三升搗細末以東流水二升漬一宿絹絞去滓煮一二沸頓服

又方

龍骨為細末溫水服方寸七日五六服張文仲云酒服

又方

酒三升煮蜀當歸四兩取一升頓服

又方

搗荆葉取汁酒服二合

又方

煮車前根葉子多飲佳

又方

酒服亂髮灰蘇澄用水服

又方

酒服葵根灰方寸七日三

又方

鼓二升酒四升煮取一升頓服

又方

刮滑石末水和傳繞小腹及陰際佳葛氏云治小便不通

衍義胡麻一名巨勝性温而燥專補腎之陽審其血色

晦淡者為之合劑若陰虛多火血色鮮紫而痛者

良非所宜世以胡麻為潤殊失本經補五臟之意

龍骨瀉滯苟非虛脫慎勿誤投 當歸酒煮取

其和血 荆葉酒服取其治風 車前利水 髮

灰散血 葵灰通滯 豉酒解毒 滑石末外傳

以通熱結此惟夏秋濕熱為患者宜之

水腫第四

論一首 方四十九首 證三首 灸法二首

論曰大凡水病難治瘥後特須慎於口味病水人多嗜食所以此病難愈也代有醫者隨逐時情意在財物不本性命病人飲食勸令食羊頭蹄肉如此未有一愈者又此病百脈之中氣水俱實治者皆欲令瀉之羊頭蹄極補那得瘳愈所以治水藥多用葶藶等諸藥本艸云葶藶久服令人大虛故水病非久虛不得絕其根本又有蠱脹但腹滿不腫水脹四肢面目俱腫醫者不善診候治蠱以水藥治水以蠱藥或但見脹滿皆以水藥仲景所云愚醫殺之今錄忌如左

喪孝 產乳 音樂 房室 誼戲 一切魚

一切肉 一切生冷 酢滑 蒜 粘食米豆油

臧

其治蠱方具在雜方篇見第二十四卷蠱毒篇中

右前所禁不得食不得用心其不禁者并具本方之下其房室等禁須三年慎之永不復發不爾者雖瘥復發不可更治也古方有車水丸歷驗多利大便而不利小便所以不錄

黃帝問岐伯曰水與膚脹腸覃石瘕何以別之岐伯曰水之始起也目窠上微腫靈樞太素作微癰如新臥起之

狀其頸脈動時欬陰股間寒足脛腫腹乃大其水已成也

以手按其腹隨手而起如裹水之狀此其候也

膚脹者寒氣客於皮膚之間殼殼然而堅太素外臺作不堅

腹大身盡腫皮厚按其腹陷太素作窞而不起腹色不變

此其候也鼓脹者腹脹身皆大大與膚脹等色蒼黃

腹筋起此其候也腸覃者寒氣客於腸外與胃太素作衛

氣相薄正氣不得營因有所繫癖而內著惡氣乃起

息肉乃生其始生也大如雞卵稍以益大至其成也

如懷子之狀久者離歲月按之則堅推之則移月事

時下此其候也石瘕者生於胞中寒氣客於子門子

明閉塞氣不得通惡血當瀉不瀉血以留止日以益
 大狀如懷子月事不以時下皆生於女子可導而下
 之曰膚脹鼓脹可刺乎曰先瀉其腹之血絡後調其
 經刺去其血脈師曰病有風水有皮水有正水有石
 水有黃汗風水其脈自浮外證骨節疼痛惡風皮水
 其脈亦浮外證浮腫按之沒指不惡風其腹如鼓不
 渴當發其汗正水其脈沉遲外證自喘石水其脈自
 沉外證腹滿脈經作痛不喘黃汗其脈沉遲身發熱胸滿
 四肢頭面腫久不愈必致癰膿心水者身重一作腫而
 少氣不得臥煩而燥其人陰腫肝水者其腹大不能

自轉側脇下腹中痛時時津液微生小便續通脾水
 者其腹大四肢苦重津液不生但苦少氣小便難肺
 水者其身腫小便難時時鴨溏腎水者其人腹大臍
 腫腰痛不得溺陰下濕如牛鼻上汗其足逆冷其面
 反瘦師曰諸有水者腰以下腫當利小便腰以上腫
 當發汗乃愈問曰病下利後渴飲水小便不利腹滿
 因腫者何也師曰此法當病水若小便自利及汗出
 者自當愈一作滿月當愈凡水病之初先兩目腫起如老蠶
 色俠頸脈動股裏冷脛中滿按之沒指腹內轉側有
 聲此其候也不即治之須臾身體稍腫腹中盡脹按

之隨手而起水爲已成猶可治也此病皆從虛損所致

大病或下利後婦人產後飲水不消三焦決漏小便不利仍相結漸漸生聚遂流諸經故也

水有十種不可治者有五第一唇黑傷肝第二缺盆平傷心第三臍出傷脾第四背平傷肺第五足下平滿傷腎此五傷必不可治

凡水病忌腹上出水出水者一月死大忌之

中軍候黑丸 治膽元水先從頭面至脚腫頭眩痛身虛熱名曰元水體腫大小便澀宜此方

方見

第十八卷
大腸腑門

衍義

衍義見前第十八卷 又云水腫諸治方宜迥別

虛實懸殊內經平治權衡各隨風土金匱證分表裏主治攸分千金專以去菀陳莖疎滌五臟爲主以西北水土剛強病生於內故治宜毒藥非若中央地卑土濕合用表裏分解之比至於宣布五陽之法惟東南天地始生之界宜順長養之德斯皆地氣使然所以千金略無及此如論首推中軍候黑丸其大義可默悟矣

治小腸水小腸滿暴腫口苦燥乾方

用巴豆三十枚和皮碎以水五升煮取三升綿
漬汁中拭腫上隨手可減日五六拭莫近目及
陰集驗治身
暴腫如吹

衍義巴豆辛烈大毒不以內治而用外拭乃開鬼門之
別境

治大腸水乍虛乍實上下來去方

赤小豆五升 桑白皮切二升 鯉魚四斤

白朮八兩

右四味咬咀以水三斗煮魚取爛勿用鹽去魚盡
食并取汁四升許細細飲下

衍義肺氣不及州都而滲灌大腸大腸下走魄門隨圍
通祕而為虛實故用桑皮瀉肺赤小豆利水鯉魚
散腫生朮實脾脾虛不能運水者此方最宜有利
水之功無傷中之患所以妊娠通身浮腫者尤為
合轍

又方

羊肉一斤 商陸切一升

右二味以水二斗先煮商陸令爛去滓後內羊肉
及葱鼓酢一如臠法肘後云治卒腫
滿身面浮大

衍義凡味之辛者皆熱而商陸性稟陰毒味兼苦辛專

破濁陰毒邪而羊肉溫補為水腫之切禁反取以
激發商君之性如虎斯翼肘後治卒腫滿身面皆
大觀一卒字可知病久涉虛者不可輕用具見言
外

治膀胱石水四肢瘦腹腫方

桑白皮

穀白皮

澤漆葉各三升

大豆五升

防已

射干

白朮

各四兩

右七味咬咀以水一斗五升煮取六升去滓內好
酒三升更煮取五升日二夜一餘者次日更服集驗

方無澤漆防已射干只四味

又方

桑白皮

六兩

射干

黃芩

茯苓

白朮

各四兩

澤瀉

三兩

防已

二升

大豆

三升

澤漆

一升

右九味咬咀以水五斗煮大豆取三斗去豆澄清
取一斗下藥煮取三升空腹分三服

衍義

方中穀白皮即楮白皮澤漆防已射干皆利水峻
劑佐以桑皮泄肺大豆解毒生朮實脾利水加酒
以助諸藥之力 又方不用穀白皮而用黃芩茯

苓澤瀉用法雖似稍平功用與前不異

治胃水四肢腫腹滿方

猪腎 一具

茯苓 四兩

防己

橘皮

元參

黃芩

杏仁

澤瀉 一作澤漆

桑白皮 各一兩

猪苓

白朮 各三兩

大豆 三升

石十二味咬咀以水一斗八升煮猪腎大豆澤瀉桑皮取一斗澄清去滓內餘藥煮取三升分三服若欬加五味子三兩凡服三劑間五日服一劑常用有效

衍義

四肢為諸陽之本胃中清陽為濁陰所汨不但腹腫而腹亦滿其治與膀胱不甚相遠但去澤漆射干易入橘皮元參杏仁猪苓并取水獸之腎為利水之嚮導

有人患氣急積久不瘥遂成水腫如此者眾諸皮

中水攻面目身體從腰以上腫以此發汗方

麻黃 三兩

甘艸 一兩

右二味咬咀以水五升煮麻黃再沸去沫內甘艸煮取三升分三服重覆取汗愈慎風冷等

衍義

此本金匱治裏水方取以掀發在裏之水千金借

治皮水腰以上腫專得內經之開鬼門法

治面目手足有微腫常不能消者方

以楮葉切二升水四升煮取三升去滓內米煮
作粥食如常食勿絕冬則預取葉乾之準法作
粥周年永瘥慎生冷一切食物

衍義

楮實肝腎血分藥別錄治陰痿水腫千金用葉煮
水作粥取其淡滲以利小便豈意不材之木反有

厥功

治面腫小便澀心腹脹滿方

茯苓

杏仁

各八分

橘皮

防己

葶藶

各五分

蘇子

三合

右六味為末蜜丸如小豆服十丸以桑白皮湯送
下日二服加至三十丸

衍義

此上下分消之輕劑杏仁橘皮蘇子開發於上茯
苓防己泄利於下葶藶上走肺而下達膀胱也

治大腹水腫氣息不通命在旦夕者方

牛黃

二分

椒目

三分

昆布

海藻

牽牛子

桂心

各八分

葶藶

六分

右七味為末另搗葶藶如膏蜜和丸如梧子飲服

十九日二稍加小便利為度大良 正觀九年漢
陽王患水醫所不治余處此方日夜尿一二斗五
六日即瘥

衍義

此上下分消之重劑牛黃椒目通利於上昆布海
藻牽牛葶藶降泄於下桂心辛溫散結以通上下
之血氣也

有人患水腫腹大其堅如石四肢細小勞苦足脛
腫小飲食便氣急此終身之疾服利下藥不瘥
者宜服此藥微除風濕利小便消水穀歲久服
之乃可得力瘥後可常服方

鬼箭羽 丹參 白朮

獨活 各五兩 秦艽 猪苓 各三兩

知母 海藻 茯苓

大桂心 各二兩

右十味咬咀以酒三斗浸五日服五合日三任性
量力漸加之

衍義

終身之疾攻之不瘥不無性命之憂莫若和其血
氣兼除風水以圖苟安為愈也

治水腫利小便酒客虛熱當風飲冷水腹腫陰脹
滿方

商陸 四兩

甘遂 一兩

芫花

芫花 各二兩

吳茱萸 三兩

右五味為末蜜丸如梧子大飲服三九日三
方有大黃二兩猪苓麝香各一兩

衍義

四味峻逐水腫之藥得吳茱萸一味溫中散逆而
破水諸味皆靈活矣

大豆散 治久水腹肚如鼓者方

烏豆一斗熬令香勿令大熟去皮為細末篩下
餽粥皆得服之初照一合稍加之若初服多後
卽嫌臭服盡更作取瘥止不得食肥膩渴則飲

羹汁慎酒肉雞魚生冷酢滑房室得食漿粥牛
羊兔鹿肉此病難治雖諸大藥丸散湯膏當時
暫瘥過後復發惟此散瘥後不發終身服之終
身不發矣其所禁食物 當須少噉莫隨意
食鹹物諸雜食等

又方

葶藶 末

蒼耳子灰 各二
十七

右二味水調和服之日二

又方

椒目沉水者取熬搗如膏酒服方寸七

又方

水煮馬兜鈴服之

治水氣腫鼓脹小便不利方

葇苳子

升一

粘羊肺

一具青羊亦佳

右二味先洗羊肺湯微滾之薄切曝乾作末以三年大醋漬葇苳子一晷時出熬令變色熟搗如泥和肺末蜜合搗三千杵為丸如梧子大食後一食久以麥門冬飲服四九日三以喉中乾口粘浪語為候數日小便大利佳山連治韋司業得瘥司業姪雲表所述云數日神驗

麥門冬飲方

麥門冬

二十枚

米

二十粒

右二味以水一升和煮米熟去滓下前丸藥逐日作服用之

衍義

黑大豆粥雖有清熱解毒之功畢竟氣味壅濁如何可治水腫腹大以意推之當是石藥毒發乃為合劑又方用葶藶泄肺愈脹蒼耳祛毒散風燒灰則能散血椒目專主腎氣上逆之喘馬兜鈴專泄肺氣上壅之滿葇苳走而不守故須醋制稽留其性以劫痰涎垢膩用粘羊肺為引以通氣化服用麥門冬飲以通肺胃之津液也

徐王煮散 治水腫利小便方

牛角鯢

防己

羌活

人參

丹參

牛膝

升麻

防風

秦艽

生薑屑

穀皮

紫苑

杏仁

附子

石斛 各二兩

桑白皮 六兩

橘皮

白朮

澤瀉

茯苓

郁李仁

猪苓

黃連 各一兩

右二十三味治下篩為粗散以水一升半煮三寸

七取一升頓服日再不能者但一服兩三月以前

可服主利多而小便澀者用之大驗

衍義

水腫多由寒熱錯雜邪正交并病氣津氣結成一
片上下閉塞不通莫辨風祕氣祕熱祕寒祕瘀血
固結而祕故此方兼五者而治專以利水為務

褚澄漢防己散 治水腫上氣方

漢防己

澤漆葉

石葦

澤瀉 各五兩

桑白皮

白朮

丹參

赤茯苓

橘皮

通艸 各三兩

生薑 十兩

郁李仁 五合

右十二味治下篩為粗散以水一升半煮三方寸
七取八合去滓頓服日三取小便利為度

衍義

散中桑皮橘皮生薑開泄肺氣於上防已澤漆石
葦澤瀉茯苓通艸郁李仁通利膀胱於下丹參白
朮和血通津於中允為去苑陳莖潔淨府之專藥
然須諒病人之元氣強弱而為損益可也

茯苓丸 治水腫甄權為安康公處此方

茯苓

白朮

椒目

各四分

木防已

葶藶

澤瀉

各五分

甘遂

十二分

赤小豆

前胡

芫花

桂心

各二分

芫硝

七分另研

右十二味為末蜜丸如梧子蜜湯下五九日一稍
加以知為度

衍義

丸中芫花甘遂葶藶芫硝椒目防已兼走二便佐
以茯苓白朮桂心澤瀉前胡赤小豆利水下氣之
味深得峻藥緩攻之妙

治水腫利大小便方

大黃

白朮

一作葶藶

木防已

各等分

右三味為末蜜丸如梧子大飲下十九丸大小便利
為度不知加之

又方

牽牛子為末水服方寸七日一以兩便利為度

又方

葶藶

生用

桂心

各等分

右二味為末蜜丸如梧子大飲下七丸日二以知為度

又方

郁李仁

末

麩

各一升

右二味和作餅子七枚燒熟空腹熟食四枚不知加一枚以至七枚

衍義

大黃走穀道防已利水道白朮實脾利水使大黃之性兼行滲道所以服後得水便利為度 牽牛專於行水走大小便 葶藶利水愈脹得桂心以散結積痰滯 郁李仁本經專主大腹水氣面目四肢浮腫大便風祕亦能療之

又方

水銀

三兩煮三日三夜

葶藶子

椒目

各一升

芫硝

五兩

衣魚

二七枚

水萍

瓜蒂

滑石

各二兩

右八味搗葶藶令細下水銀更搗令不見水銀止

別搗椒目令細搗瓜蒂水萍下篩合和餘藥以蜜
和更搗三萬杵成丸初服一丸如梧子大次服二
丸次服三丸次服四丸次服五丸次服六丸至七
日還從一丸起次服二丸如是每至六丸還從一
丸起始服藥當咽喉上有癰子腫起頰車腫滿齒
斷皆腫唾碎血出勿怪也不三五日即消所苦皆
瘥已上服藥若下多停藥以止利藥至五下止病
未瘥更服病瘥止此治諸體肉肥厚按之不陷甚
者臂粗著衣袖不受及十腫大水醫不治者悉主
之神驗深師集驗陶氏古今錄驗
無衣魚水萍瓜蒂滑石

術義 葶藶愈脹椒目定喘芫硝破結衣魚利水水萍散

表瓜蒂逐濕滑石利竅其搜逐宿病之力尤在水
銀一味然性稟陰毒莫若以輕粉代用即水銀所
煨追逐毒邪從齒縫中出可無留積腸胃之患
澤漆湯 治水氣通身浮腫四肢無力或從消渴
或從黃痺支飲內虛不足榮衛不通氣不消化
實皮膚中喘息不安腹中響脹滿眼目不得視
方

- | | | | | | |
|-----|----|----|----|----|----|
| 澤漆根 | 十兩 | 鯉魚 | 五斤 | 生薑 | 八兩 |
| 赤小豆 | 二兩 | 茯苓 | 三兩 | 人參 | |

甘艸

麥冬各二兩

右八味咬咀以水一斗七升先煮魚及豆減七升去魚豆內藥煮取四升半一服三合日三人弱日二氣下喘止可至四合碎時小便利腫減或大便澹下小便若不利還增一合以大利便止若無鯉魚鮠魚亦可用若水甚不得臥臥不得轉側再加澤漆一斤渴加栝萐根二兩欬嗽加紫苑二兩細辛一兩欬冬花一兩桂心三兩增魚汁二升胡洽無小豆麥冬有澤瀉五兩杏仁一兩錄驗無小豆治水在五臟令人欬逆氣喘腹大而響兩足腫目下有臥蠶狀微渴不得安臥氣奔短氣有頃乃復小便難少而數肺病胸滿隱痛宜利小便水氣迫肺翁

合別寒熱

猪苓散 治虛滿通身腫利三焦通水道方

猪苓主 苧蔴

人參

元參 五味子 防風

澤瀉 桂心 狼毒

椒目 白朮 乾薑

大戟 甘艸各二兩 菴蓉二兩半

女麴三合 赤小豆二合

右十七味治下篩酒服方寸七日三夜一老小七以小便利為度

澤漆鯉魚茯苓赤小豆功專利水生薑辟除濁氣
行義麥門冬通調津液人參甘艸扶助胃氣以行藥力
既能養正復可祛邪 猪苓散中葶藶大戟即前
方澤漆之意猪苓澤瀉桂心白朮椒目乾薑即前
方鯉魚茯苓生薑赤小豆之意菴蓉五味子即前
方麥門冬之意且多防風狼毒法麩元參祛風攻
積等藥而用人參甘艸助胃行藥之意則一藥雖
迥異而主治不殊

麻豆煎 治水氣通身浮腫百藥不瘥待死者方

大麻子

皆取新肥者佳

赤小豆

不得一粒雜各一石

右二味皆以新精者淨揀擇水淘洗曝乾蒸麻子
使熟更曝令乾貯淨器中欲服取五升麻子熬令
黃香以緩火勿令焦作極細末以水五升搗取汁
令盡貯淨密器明旦欲服今夜以小豆一升淘浸
至旦乾漉去水以新水煮豆末及好熟即漉出令
乾內麻子汁中煮令大爛熟空腹恣服日三服當
小心悶少時即止五日後小便數或赤而唾粘口
乾不足怪之服訖常須微行未得即臥十日後鍼
灸三里絕骨下氣不爾氣不泄盡服藥後五日氣
逆不可下者取大鯉魚一頭先死者去鱗尾等以

湯脫去滑淨洗開肚去藏以上件麻汁和小豆完
煮令熟作羹入葱豉橘皮生薑紫蘇調和食之始
終一切斷鹽渴即飲麻汁秋冬暖飲春夏冷飲常
食不得至飽止得免饑而已慎房室嗔怒大語高
聲酒麪油醋生冷菜茹一切魚肉鹽醬五辛并治
一切氣病服者皆瘥凡作一月日服之麻子熟時
多收新甕貯擬施人也

衍義麻仁為補中益氣之上藥而初服令人作瀉以其
性潤能祛腸胃中委積之物下行也久服令人肥
健辟穀方多用之小豆色赤通利小腸下達膀胱

與麻仁同清腸胃開水穀陳氣病人正氣本虛不
勝湯藥蕩滌者此方最宜而服之心悶者味專服
多藥與腹中水氣留積不能流布故須鯉魚和麻
汁作羹引之小泄方得漸瘳斷鹽戒色庶無水氣
乘虛復助腎邪之患

又方

吳茱萸

葶撥

昆布

杏仁

葶藶

各等分

右五味為末蜜丸如梧子服五丸勿令飽食食訖
飽悶氣急服之即散

衍義

氣滯則水逆氣下則水通然須胃氣有權則水精
得以敷布吳茱萸華撥温中下氣專行固本杏仁
葶藶泄肺利水專行散標昆布鹹寒潤下為下十
二種水之嚮導

苦瓠丸 治大水頭面遍身腫脹方

苦瓠白穰實捻如大豆以麴裹煮一沸空腹吞
七枚至午當出水一升三四日水自出不止大

瘦乃瘥三年內慎口味苦瓠須好無厭翳細理
研淨者不爾有毒不堪用崔氏用子作餛飩服
二十七枚虛者牛乳
服之如此隔日作服漸加至三七枚以小
便利為度小便若太多即一二日停止

又方

苦瓠膜二分 葶藶子五分

右二味合搗為丸如小豆大服五丸日三

又方

大棗肉七枚 苦瓠膜如棗核大

右搗為末丸一服三丸如人行十五里久又服三
丸水出更服一丸即止

又方

葶藶 杏仁各等分

右二味皆熬合搗為丸服之利小便一方用杏仁

又方

搗生葶藶子酢和服以小便數為度

又方

燒薑石令赤內黑牛尿中合熱服一升日二

又方

單服牛尿大良凡病水服無不瘥服法先從小起得下為度

又方

煎人尿令可丸服如小豆大日三

衍義

瓠最苦寒大傷胃氣惟藜藿之人病氣俱實方可

應用

加以葶藶破水尤捷

瓠得棗肉雖稍變

其勢苟可他圖慎勿輕試

葶藶下水桃仁散血

審非血諦不若杏仁為捷

葶藶峻厲故用酢以

酸收之

薑石解毒散結用黑牛尿引入膀胱之

處

單服牛尿專滌胃中積水審係胃實方可投

之

人尿煎丸以滌膀胱積垢較秋石之力愈速

治水通身腫方

煎楮椒枝葉如錫空腹服一七日三瘳以汁洗

之

衍義

楮椒根辛溫氣濁故可以治濁陰填塞經脈通身

水腫較之苦瓠天淵

又方灸法

灸足第二趾上一寸隨年壯 又灸兩手大指

縫頭七壯

麻黃煎 治風水通身腫欲裂利小便方

麻黃

茯苓

澤瀉

各四兩

防風

澤漆

白朮

各五兩

杏仁

大戟

黃芪

各四兩

猪苓

獨活

大豆

各三兩

八兩

二升方七升

清酒

升一

右十三味咬咀以豆汁酒及水一斗合煮取六升

分六七服一日一夜令盡當小便極利為度

大豆散 治風水通身大腫眼合不得開短氣欲

絕方

大豆

升一

杏仁

麻黃

木防已

防風

猪苓

各四兩

澤瀉

黃芪

烏頭

各三兩

半夏

六兩

生薑

七兩

茯苓

白朮

各五兩

甘遂

甘艸

各二兩

清酒

升一

右十六味咬咀以水一斗四升煮豆取一斗去豆
內藥及酒合煎取七升分七服日四夜三得小便
快利為度腫消停藥不必盡劑若不利小便者加
生大戟一升葶藶二兩無不快利萬不失一深師方無
猪苓澤瀉烏頭半夏甘遂

治風水腫方

大豆三升

茯苓

白朮

防風

橘皮

半夏

生薑各五兩

鱉甲

當歸

防己

麻黃

猪苓各三兩

大戟一兩

葵子一升

桑白皮

五升以水二升

煮取一斗去滓內前藥

右十五味咬咀內前汁中煮取五升每服八合日
三相去如人行十里久再服

衍義

麻黃杏仁防風獨活開鬼門專取黃芪助力澤漆

大戟猪苓澤瀉茯苓以利水府尤賴白朮實脾黑
豆汁解毒清酒和榮以助諸藥營行中外之力

大豆散則以甘遂防己易去麻黃煎中澤漆大戟
加烏頭半夏甘艸生薑專為陰邪逆滿眼合不開
故用以通陽氣散陰結且得烏頭半夏甘遂甘艸

反激之大力可無藉於獨活之祛風也 治風水腫方兼採二方中十味參入橘皮桑皮當歸鱉甲葵子雖較前二方性味稍遜而兼表裏則一

麻子湯 治遍身流腫方

麻子五升

赤小豆三升

當陸一升即商陸

防風三兩

附子一兩

右五味咬阻先搗麻子令熟以水三斗煮麻子取一斗三升去滓內藥及豆煮取四升去滓食豆飲汁

衍義五味藥中萃聚開鬼門潔淨府宣布五陽之法而

實借附子防風以振麻子赤小豆商陸之勢

大豆煎 治男子女人新久腫得暴惡風入腹婦人新產上圍風入臍腹中如馬鞭者噓吸短氣

欬嗽方

大豆一斗淨擇以水五斗煮取一斗五升澄清內釜中以一斗半美酒內中更煎取九升宿勿食平旦服三升溫覆取汁兩食頃當下去風氣腫退慎風冷十日平復除日合服佳若急不可待遂急合服腫不盡退加之腫差更服三升若十分瘥勿服病中亦可任性飲之使酒氣相接

肘後云腫瘰後
渴慎勿多飲

又方

楮皮枝葉一大束切煮取汁隨多少釀酒但飲
醉為佳不過三四日腫少退瘰後可常服之
一方用楮椒皮枝葉

又方

鯉魚長一尺五寸以尿淹漬一宿平旦以木篋
從口貫至尾微火炙令微熟去皮宿勿食空腹
大頓服之不能者分再服勿與鹽禁服風人即
摩膏 治表凡腫病須百日內外攻之不可一概

方

生商陸一斤

猪膏一斤煎可得二斤

右二味和煎令黃去滓以摩腫亦可服少許并塗

以紙覆上燥輒傅之不過三瘰

麝香散 治婦人短氣虛羸遍身浮腫皮膚急人

所稀見方

麝香三銖

雄黃六銖

芫花

甘遂各二分

右四味為末酒服五七老少以意增減亦可為丸

如小豆大強者服七丸

小品無雄黃深師以蜜丸如大豆服二九日三治三

焦決滿水在胸外名曰水病腹濁大在腹表用
大麝香丸華池方肘後有人參二分為丸服

衍義

大豆散與豆淋酒彷彿能搜腎經風毒然必黑者
方得下達膀胱 楮實腎肝血分藥千金獨取其
葉釀酒以治水腫物雖賤而忍掩沒其功乎 鯉
魚之利水天性使然加以尿淹引入膀胱取鹹代
鹽而無助虐腎邪之害 摩膏用商陸猪脂外摩
消腫其法最善取服良非所宜此瞑眩之品不減
苦瓠苟非水土剛強稟質壯實病邪金盛之時難
以任此吾吳風氣柔弱每見愚醫不審而卒意妄
投未有不相引喪亾而已因識此以為盲瞽之戒

麝香散開竅破陰利水消腫較之苦瓠丸等方

差勝

治虛勞浮腫方

灸太衝百壯 又灸腎膈

